

P R A V I L N I K

o izmjenama i dopunama Pravilnika o radu Kantonalnog javnog komunalnog
preduzeća „RAD“ d.o.o. Sarajevo

Sarajevo, april 2019. godine

Na osnovu člana 30. tačka d) Statuta KJKP „RAD“ d.o.o. Sarajevo broj: 14520/17 od 25.07.2017. godine i Odluke o dopuni Statuta KJKP „RAD“ d.o.o. Sarajevo, broj: 01SP-17064/18 od 28.09.2018. godine, Nadzorni odbor na _____ sjednici održanoj dana _____ godine donosi

P R A V I L N I K

o izmjenama i dopunama Pravilnika o radu Kantonalnog javnog komunalnog preduzeća „RAD“ d.o.o. Sarajevo

Član 1.

(Izmjena člana 8.)

U Pravilniku o radu Kantonalnog javnog komunalnog preduzeća „RAD“ d.o.o. Sarajevo broj: 5096/17 od 06.04.2017. godine, Pravilniku o izmjenama i dopunama Pravilnika o radu Kantonalnog javnog komunalnog preduzeća „RAD“ d.o.o. Sarajevo, broj: 9227/18 od 14.06.2018. godine, Pravilniku o izmjeni i dopuni Pravilnika o radu Kantonalnog javnog komunalnog preduzeća „RAD“ d.o.o. Sarajevo, broj: 18070/18 od 23.10.2018. godine, član 8. mijenja se i glasi:

„Član 8.

(Prijem u radni odnos)

„Prijem u radni odnos novog radnika vršit će se u skladu sa Uredbom o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivač kanton, grad ili općina, te u privrednim društvima u kojima kanton, grad ili općina učestvuje sa više od 50 % ukupnog kapitala.“.

Član 2.

(Brisanje članova)

Članovi 9., 10., 11. i 12. se brišu.

Član 3.

(Dopuna člana 58.)

U članu 58. iz stava (1) dodaje se novi stav koji glasi:

„(2) Izuzetno godišnji odmor može da traje i duže od 30 radnih dana, u zavisnosti od prirode posla i uvjeta rada.“.

Dosadašnji stavovi (2) i (3) postaju stavovi (3) i (4).

Član 4.
(Izmjena člana 82.)

Član 82. mijenja se i glasi:

„Član 82.
(Plata radnika invalida II kategorije)

- (1) Radnik invalid II kategorije invalidnosti, kod kojeg je promjenjena radna sposobnost nastala po osnovu povrede na radu ili profesionalne bolesti, prilikom raspoređivanja na poslove koji odgovaraju njegovoj preostaloj radnoj sposobnosti, ima pravo na naknadu plaće zbog manje plaće na drugom radnom mjestu na koje je raspoređen.
- (2) Radnik invalid II kategorije invalidnosti, kod kojeg promjenjena radna sposobnost nije nastala po osnovu povrede na radu ili profesionalne bolesti, prilikom raspoređivanja na poslove koji odgovaraju njegovoj preostaloj radnoj sposobnosti, nema pravo na naknadu plaće zbog manje plaće na drugom radnom mjestu na koje je raspoređen.“.

Član 5.
(Izmjene člana 135.)

U članu 135. tačka c. mijenjaja se i glasi:

„c. kad radnik navrši 65 godina života i 15 godina staža osiguranja (u skladu sa propisima o penzijskom i invalidskom osiguranju), odnosno kad radnik navrši 40 godina staža osiguranja, (u skladu sa propisima o penzijskom i invalidskom osiguranju), bez obzira na godine života, ako se poslodavac i radnik drugačije ne dogovore;“.

Član 6.
(Izmjene člana 166.)

U članu 166. stav (1) riječ „može“ zamjenjuje se riječima: „dužan je“.

U stavu (3) riječi: „osim u slučaju zahtjeva radnika za naknadu štete ili drugo novčano potraživanje iz radnog odnosa“ zamjenjuju se riječima: „osim u slučaju otkaza ugovora o radu u skladu sa Zakonom o radu.“.

Član 7.

U Pregledu tabelarnih mjesta po grupama složenosti poslova sa koeficijentom složenosti poslova i koeficijentom uvećanja osnovne plaće po osnovu uslova rada po radnim mjestima, broj: 9227/18 od 14.06.2018. godine, u III GRUPI – KOEFICIJENT

SLOŽENOSTI POSLOVA 2,00 – 2,50, kod radnog mjesta Rukovaoc prese, viljuškara i građevinskih mašina dodaje se „6%“ na uslove rada.

Član 8.
(Stupanje na snagu)

Ovaj Pravilnik stupa na snagu osmog dana od dana objavljivanja na oglasnoj tabli Preduzeća.



PREDSJEDNIK
NADZORNOG ODBORA

[Redacted Signature]

Hajrudin Omerbegović, MA-dipl.ing.saob.

Broj: 6350/19
Sarajevo, 12.04.2019.

Da je Pravilnik o izmjenama i dopunama Pravilnika o radu KJKP „RAD“ d.o.o. Sarajevo objavljen na oglasnoj tabli Preduzeća dana 15-04-2019 godine, ovjerava Izvršni direktor Sektora za ekonomsko pravne poslove.

[Redacted Signature]

Hasan Karačić, dipl.pravnik